

綠猗草堂詩集

綠漪明堂詩集卷十九

湘潭羅汝懷念生箸

五言絕句一

戲伶二把手小車五絕句

戊戌

簇簇擁車輪蕭蕭行綠野馳驅不冒前漫指人爲馬
一篷障塵埃如身堪屈伸請君休競進還顧後來人
江水不倒流樹枝無內向君真念家山長自回頭望
有篷卽乘車去篷仍跨馬此中大有入都能出胯下
馬佚不受鞭馬勞路旁眠馬飽防馬逸須計芻艸錢
甜水鋪又名苦水鋪

膏粱棄如遺焦渴求之切甜苦水不知飲者口中別
水亦隨時變炎涼兩味兼竭來多苦境試問幾人甜

未水舟行卽事

癸卯

肥港逢黃泥

港名

屈曲三十里心觸太白詩山從人面起

幾忘一水流只覺萬山合炊煙出身外便與山雲襍

日日竈觚見今方識爾家入漣煩寄語過此雨如麻

沿江有數山產煤

戶結屋鱗次余漣中門煤以此處產者爲佳

映水松篁密依山棟宇華閩人如解事夾岸種桃花

數處新造屋宇竹樹

幽絕云係閩人來此種山遂家焉者若能夾岸種桃則彷彿仙源矣

采彼鋏錚錚洪鑪火攸灼但成百練綱算鑄六州鎔

一山上高鑪火騰騰

出云係湘潭人
居此采鍊者

雨夜絕句四首

己酉

連月長愁雨經旬
屢憶家門前溪水漲曾否放桃花
隄柳黯無色山禽暗不驕
閉門三五日便已過花朝
晝長苦陰晦如坐雲霧窟
宵靜一鐙明卻負好春月
客邸常聽雨淅宵動遠思虛
堂承急響如在淥江時

瓶中桃花經五十餘日未撤時亦無更代之花戲書二首
花盡葉生枝枝乾葉亦槁
蕉萃胡不憎念爾舊時好
傾城難再得誰繼李夫人
畱取鐙前影姍姍夜有神

居停送棘刺花插瓶中復戲作一首

己酉

借爾代桃僵外貌亦娟娟炙手莫近前其中有芒刺

章江舟中晚望西山白雲三首

丙辰

山天相接處雲疊絮縣縣劃山雲界只看雲外天

匡廬雲沒翬散原雲沒頂

西山水經注
作散原山

山靈自遊戲楚客勞引

領

雲本自山出雲出還成山萬變歸一氣神奇稟自然

庚申春正二日作

庚申

寒梅迎歲早細菜逐時新值閏春來緩郊迎尙隔旬
雨澤迎年至疏窗一夜聲洪流連歲累只欲應期生
得雨還期雪同雲覆一天閒身久田舍一味說豐年

伯兄送海梔紅梅碧桃天青地紅四種各繫小詩口占奉

畲

葉細復枝低六出花無改雅合簷蔔稱準放香如海
豔色破冷淡勁骨清香同他日著縣花春雨休洗紅
仙源有此種羽化久無迹媧皇念缺遺補出楚天碧
苑枯數難齊常苦氣候偏一葉夾青紅得地亦得天

戊辰元日讀尚書首冊書示兒輩

戊辰

細雨生膏潤條風入律新東郊甸外迺先放老梅春
課讀須躬讀虞書復夏書未容閒一刻何事待三餘

戲詠坐車

人擬安車式長沙製忽新轅低登降易曠望四山春
臨谿徐聽水把卷優觀書比侶雙騾馱安平適有餘

先君生辰往印塘拜墓因至里鄰數處

孤兒今已老人老歲還新上渚降寅日凡經百八春

先君生乾隆辛巳歲

寅月

名德終無補差能不廢書田廬猶曩管囊尠贏餘
環墓木已拱緣阡艸又新躋堂羣介壽長憶簪時春
孫曾增幾輩合令讀農書它日勤耕穫耰鉏雨餘
傍隴田高下連邨屋舊新毗閒猶待雨節早未班春
舊境揆新趣無殊得異書庵山松色好已是飽蟲餘

杜陵鄉鄰別重逢禮數新到門先面壁紅紙換宜春
小憩三家舍權拋半日書欣聞鄉老弊不侶六旬餘

花朝

久雨明輝隔良宵允倍多驚聞星殞後愁柰月明何

是夕聞江督曾爵相

噩耗不能成
詩遂止四句

辛未元日用戊辰无日詩韻書示兒孫

辛未

元辰逢雨水霰霖應時新節候今年早行看浩蕩春
養性安心法渾渾噩噩書豈惟言行慎凡百貴畱餘

甲戌午日星垣姪邀入水師坐船觀龍舟競渡

甲戌

山郭炎歊散江天一望開中流簫鼓競家報兩頭來

連接尊兒
省中信楚

兒家
中信

郭子濟讀書秋樹根圖

竊徧百和香古編散奇馥天風開我襟山鳥佐我讀
予智輒蔑古臯夔讀何書曲學矜冥悟那復勤三餘
气和算如春氣清算如秋手把赤綠簡萬古心悠悠
把卷乘朝涼研朱濡夕露人亦堅多節同此飽霜樹
沿波討原流芟葉歸本根孜孜曷有已吾道一貞元

乙亥元日口占

乙亥

日歸纔六日僂居歲華新迴憶荷池會連迎兩度春
提挈丁添九披吟雅肆三萬千眉壽永魯頌誦喃喃

七月三日晚至芙蓉園

晚至芙蓉園花葉正芬芳折取五朵雲青鐙照紅妝
明發是初度落齒復增齒秋遲五日來已食新蓮子

七夕立秋

星沙睽半載湘館五旬留灑淚難成雨追涼忽報秋

楓木坑

楓木清隱移坑名今尚沿重陰無白日一落及黃泉

送還何氏所藏董畫冊

丁丑

元宰無顯識江邨墨爛然恰逢丁丑歲經百八十季

六言絕句

同治八年元旦

靄靄青冥啟曙朦朧黃霧塞空 巫拱一人有慶拜舞萬國皆

同

海宇書上安本閣黨鄰期洽比野臣白首何希擊壤詠 至治

園梅爛漫爭開 碱艸繽紛將茁 昨記春來廿三猶覺寒畱七八
老業久拋舊橐徵文未蕝新編蹉跎六十五載補苴正賴今季
前己巳時六歲倏忽今番六孫世運降升歷歷眼見三朝改元
鑪中香氣常凝檐際雨聲不斷雖云潤物多功還冀光華復旦

七言絕句一

齋居樸興

辛巳

連絲春雨暗柴門
石砌苔行上粉垣
一覺絲華三閱月
杜鵑聲裏幾黃昏

天氣清和雨乍晴
朱櫻綠棹幾番更
山中纔過青陽月
已有榴花照眼明

滿架薔薇取次開
紅琉璃蔭碧莓苔
兒童怪我衣裾溼
曾向花陰掬露來

繞屋脩篁萬个齊
覆隄新柳綠絲低
尋詩野步忘歸晚
坐聽桐陰一鳥啼

絕句

長沙一月醉春城
花柳紛紛老無恨
落盡梨花飛盡絮
荒郊久已過清明

纔過穀雨又梅天
好景恩恩復一季
未及收茶忙曬藥
曲池荷葉尚青錢

題曹雲卿丈種竹圖

丁酉

野趣無端付寫生
枝枝葉葉總天成
掬來一片湘江水
灑入空林作雨聲

清陰豈但滌襟煩
比德還須瑟僩論
知道栽培根最穩
季季長自茁龍孫

先生拔俗向通關
我苦塵緣未可刪
萬个琅玕一分屋
暫應拋

邨好家山

時將有遠行

溱陽寒食

戊戌

可憐時節堪相憶

元微之句

相憶無人更可憐消息告卿何處報溱

陽風雨對江天

清明用杜牧之韻二首

殢宮花落幾黃昏地迴難招不返魂
昨日東風同冷節也應吹雨入山邨

野店荒涼晝閉門行人空有斷餘魂
榆羹杏粥憑誰佐但見新煙生遠邨

上蔡道中二首

南北東西行不盡搖輓纔到地中央扶輿有意開平野不放青
山過信陽

桺條舊盡正飛花不入宮牆入客車我到中原望鄉國始知原
是住天涯

渡河書所見四首

中州行盡候清和更覺輪蹄逐隊多幾日鄉愁消不得一舟同
載渡黃河

捆載居然陸地舟風帆葉葉走平隄油油麥浪搖千頃絕勝江
波一片流

遠林漠漠桺枝齊野冢纍纍芳艸萋頗憶故鄉風景別插秧時

節子規啼

爲避鞦韆馬首東登臨有限意無窮雖然曹漢多名勝羌向梁園看汴宮

高唐旅店題壁二首

黃塵滾滾塞行車覺得居停日已斜野寺宋寥餘古佛銷魂一樹好桃花

鳴犢河頭日色渾高唐州外臥荒邨旅庭有月無人賞怕觸鄉愁早閉門

德州道中二首

十丈飛埃樓障難黃衣艸服更黃冠甘將滾地塵埃宛換佗漫

天雨雪寒

夾道牛車擁不開
強持老嫗倒繡孩
問渠何事風塵苦
都爲燒香嶽廟來

交河道中立夏二首

一春韶景盡輪蹄
花落閒庭記手攜
此日熟梅天氣近
何人更與理籤頤

幾枝桃樹倚門斜
嫗娜初看北地花
我有哀絃調不得
更無心與賦琵琶

都門七夕四首

長沙百里隔家山
帶病同看月一彎

去歲長沙寓中度七夕賦
長古有家山百里渾在眼

月華病已劇
逾月遂不起矣

豈料再經秋一度
僂分天上與人間

何事人間歎斷絃
不教此恨到神仙
返魂香自饒天上
盍換青銅佗聘錢

妝閣經秋鎖綠苔
萍蹤畱滯古燕臺
仙山海上忘前約
不寄金釵鈿合來

荆楚孟蘭舊有盆
家家享祀重中元
良宵不入他鄉夢
定駕雲輶返故園

行次王家營樸述十四首

算投邨店趁栖鴉
枯水難淘滿面沙
麥飯藜羹呼不到
雞豚先已餉當家

輕車逐隊走趨趨回首西山戀晚風
柿兩行爭送客載他秋色到江南

富莊古驛送餘春遊女單衫杏子新
冷煖頓殊風景別新添幾輩往來人

處處琵琶夜夜箏縣華不絕在平可憐一
樣娉婷女流水行雲了一生

行經鄒縣與東阿峯岫相應兩處多吟罷
退之山石句一眉青向馬頭過

曉發銅城驛路長人煙舊縣已荒涼
豐碑不獨尋倉頡更訪南頭楚霸王

驅車忽過宛城東
泗水長橋駕彩虹
依舊浮雲連海岱
不登樓望悔怱怱

嶧山山色不模糊
野火焚碑尙有無
我欲遺經尋魯壁
不將輕騎入崎嶇

陰平百里接徐州
境判東南土漸柔
斷港小陂時見水
野花含艷媚殘秋

旱河隄外水平沙
隄下居人其幾家
艸屋數椽蔬一圃
秋塍高倚蜀葵花

平隄極目莽風沙
麥秀青抽一寸芽
指甲雞冠隨意種
野人亦解愛閒花

霜花如雪峭寒生瑟縮車帷寢不成曉色亾閑人蹟少已看邨婦隴頭行

荒邨傳舍苦塵埃土室爛斜相向開破廟無人秋艸靜香鑪委地供如來

忽聞喧嚷塞車輪集鎮縣華景一新百貨樵陳隨所市相看都是參墟人

再畱玉夫八絕句

壬寅

小園長日閉荆柴往側相沿久不開花影拂牆常仵劇今朝眞

見玉人來

因君字戲用唐人詩語

咎君隨宦涉閩疆殘載乘龍寓桂堂一棹長沙尋舊宅故鄉翻

似住他鄉

燕臺聯櫺候清和回首前塵五載過聚首里中無十日相逢翻
枉客中多

風雨荻蕭蕭一椽稱薪數米意迥然豈惟富貴浮雲等旅食生
涯亦信天

十季真悔讀書遲已是心長髮短時舊種黃楊短牆下可能看
到出牆枝

拍板聲諧宮與商不師秦亦不師黃無鹽刻畫聊排遣那及蓮
花豔六郎

出不逢人只看山寥寥天壤賞音難君才十倍中郎將伊呂甯

期伯仲間

左生遠隔周郎

安謂敦

酬和今餘魯兩生五世締交原不淺詩

書可逮後來人

自先高祖可齋府君與尊伯高祖貢五公交尙

資政公爲選拔同年先碧泉從伯與尊曾祖太史公同詞館同修四庫書盼堂燕之重來悵逝川而不返政未知後之視今較

今之視昔何如也聊記此以誌來者時道先王寅八月

過耒陽弔杜文貞公

癸卯

屈賈流風到艸堂風騷從古屬瀟湘山城何處尋遺墓只熱心頭一瓣香

半生終恨難酬志一醉何緣便殞身差幸今時賢令尹不將牛酒餽詩人

陳岱雲太守同年落葉哀蟬圖

亭亭萬樹綠成陰
倏忽西風早入林
青女無情齊女怨
枝頭三歎有遺音

空亭蕭瑟下重幃
誰向秋晨理故衣
碧海青天何處路
金蓮一炬夜淡歸

羅袂無聲鏡暗塵
淚珠彈侶葉紛紛
傷心一例同前古
眼底何人李少君

斜陽愁過驛亭前
夢斷香銷已十年
聊取曳殘聲一曲
爲君重譜四條絃

書陳忠潔公殉難錄後

丙午 公名純德
字淡元 零陵人

大節原難襲，起居平時涵養定。何如一封家報臨危發，尙佗蠅

頭小楷書。

公督學順天方按易州間都城警戎裝入援城陷地崩在諭德馬世奇寓相持大哭遂佗書令家僮持去

歸報父母書畢投繯書凡十行蠅頭小楷

澆俗羣居古誼湮，從容談笑亦陶甄。能教流蕩欽君子，不向秦

雲詆美人。

公三十二歲從岳州觀警署歸觀有衡山黃姓同舟黃曾狎一妓北向指曰彼雲之下美人在焉公南向

指曰彼雲之下太先生在焉黃慙謝他日其父招至家曰吾兒感君錫類舊染悉祓也

行臺赫奕野凋殘，敢念疲民忤上官。誰識繡衣真鍍面，轉因供

帳挂章彈。

崇正十三年庚辰公季四十七歲會試成進士時莊烈帝勅咨時事較禮臣選新進士四十人入對公侃

侃稱屯田優宣稱旨授御史臺之職八月命巡按山西未入境嚴檄戒屬邑省供應平陽令供帳頗盛公以首違教令疏劾之

得旨罰令俸所至肅然

修齡求食從仁祖取與知應雨不慙大節未臨人早識棲棲風

骨本奇另

左都御史劉宗周之炊謀貸于公夫人曰陳非有餘當別爲計劉曰非陳氏粟弗樂貸也使至傾囊似之

他日袁以還或云不當受公曰劉部堂還粟曷弗受耶有故人子來謂假李忠肅邦華名束爲介公曰故人之子本不拒第多此一束送不爲禮人以爲忤上官忠肅聞而歎曰好御史劉念臺知人哉公同里陳君三接間京師變知公必歿有一處定能成一甚早令張許待先生之句

萬里鄧書不及私爾曹算望宦囊遺存心積善無餘語家訓官

箴竝可師

甲申三月遣僕回楚問父母安狀諭才偉書云吾爲人子久披晨昏罪益茲戚今幸恩綸及于所生兒當

代爲舉薦稱腹稍展易私也浪聞流寇過粵近楚或云未至心甚懇切然銜命奉公義不得返顯吾兒想日益進而存心積善尤爲要圖與人便宜自貽子孫便宜算盡秋豪子孫豈有餘地哉爾曹長計目學差忙尤親知不及爲爾曹長計目學差忙尤親知不及裁致統爲申意三月初六日父手書

宇宙寥寥廿一人宦應文謝是前身煤山直接崖山轍地下相

逢各愴神

明史列傳崇禎末季文臣成國者范景文倪元璐李邦華王家彥孟兆祥及其子章嗣施邦曜凌義渠吳

麟徵周鳳翔馬世奇劉理順汪偉吳甘來王章陳良諱陳純德申佳允許直成德金鉉共二十一人從文山疊山于地下公家

書中語也

湖嶽精英此獨鍾東園遺迹託靈椿百季樹亦騎箕去屋瓦如

鱗不動塵

公盡節自經于上湖南館東廂椿樹下嘉慶癸亥秋爲大風所拔四圍皆屋竟落巷隙一物無傷堂中神

像皆離座若

出位相送者

秦君風誼重衣冠一片青山破客囊頗悔咎季遊展短招魂不

到石榴莊

公初瘞會館東園凡十季順治癸巳京山秦君嘉系謁選都門買永宦門外石榴莊地遷公柩葬之於爲

記墓

越喬侍御還山書來邀看海棠戲會

風雨淒迷市里天此花生與我無緣尋芳嬾叩豪家宅不見嬋娟近十季

九月廿有五日夜枕上口占

一月營騰閣旅情長沙帶病返湘城殘秋半榻孤鐙影倚枕淡宵聽雨聲

章門六月廿九日偶憶

丙辰

曉帶零珠稻穗齊鄉邨蔬果出榔梨市名山莊回首經季隔江上孤明聽鼓鞞

小坐盤陀艸樹間五季情語苦難刪尙書冢畔宵涼起一桁修

詹歛遠山

蔣矩亭司馬畫蘭見贈酬以小詩卽送其之興安任

使君自有淩雲筆何意浮沈墨綬間六十季來無長物只將香
卿種春山

此花待女種方新手出嫵娥筆更神也侶籠鶯王逸少學書初

學衛夫人

翁自言十餘歲時學畫
蘭于孫子瀟夫人某氏

露濃清曉嶺西東想像幽姿澗谷中萬葉千花人易到最難描
出是春風

摩詰常教綺石栽雲根時露數花開黃磁斗畔閒佇疑有香
從石罅來

會後蘭畦地氣滋季季枯木長靈芝緣何都入先生手古色生香併得之

插腳塵中不染塵芬芳獨衰古時春任教荆棘重重繞那損蒼巖冰雪身

清遠湘山明髻鬟幾灣流水韻潺湲遠遊卻負幽尋地一幘移

來著此間

翁爲余作帷額用山水章法

勁易蠶疏輒易桃故應眞種茁靈苗筆端原有金剛杵秀色還疑過板橋

六法胎從八法多自來書畫本同科旁人莫漫誇香艸艸法看渠更若何

一腔生意自萌芽
更種河陽滿縣花
他日相思盈楚澤
國香溪處憶詩家

楮幅有餘再贈矩亭一首

平生書畫茫無識
亦有蘭亭翰墨緣
欣遇偶然矜暫得
不虛一舸蠶湖煙

客夏在長沙見君畫蘭不知爲何人秋杪來南康始知君官江西久居因畧內交故用蘭亭帖中欣遇語

秦淮文校書陸小雲輓詞石明府屬賦三首

六代離華委逝波
江南戎馬近如何
可憐舊院嬋媛女
淚盡寒

宵金叵羅

賊至金陵皆校書集諸女伴痛飲自經

翠鈿金雀玉搔頭
一夜飄零散不收
算道秦淮水污濁
蓮花十

丈過人頭

吾鄉陶文毅公云遊人豔偶秦淮吾謂乃濁水溝耳

板橋東畔柳周遛曾泛輕舸水半篙誰識南翮人物盛青樓爭
與白門高

綠漪艸堂詩集卷十九終

男式常校梓

綠漪艸堂詩集卷二十

湘潭羅汝懷念生著

七言絕句二

顯心海臨歲寒小卷

丁巳

巧偷豪奪經塵劫來自吳中去粵中清絕當時三畫手一尊同
饒歲恩恩

老成雖謝典型存追想中郎賴虎賁百八十季傳副本應須顯
識情棣根

原卷縱三寸餘橫七尺許首畫水墨棣後署云癸丑臘月戲
寫于虞山精舍石谷子輩水仙後署云白雲外史寫天竹後
署云歲寒小景癸丑仲冬構包山子筆意西霞子元馭案癸
丑爲康熙十二年歷今百八十四季矣道充初所親尋之吳

系清中堂集 卷二十一
中歸以貽余歲在戊申內兄岱雲攜往粵東歸長沙爲偷兒
所竊械二載周君子方得之既而歸諸陳氏咸豐丙辰十月
岱雲復攜入粵行次新會銀瓶紫遇盜復失去殆不能仍還
合浦珠矣此卷乃心海臨本絹幅及畫皆悉仿之不失分寸
余人不見故物觀此惘然增聚散存亡之感旅館殘年塵事
全集仰答人之悠情雅寄偷然物外又自媿也咸豐七年歲
次丁巳臘八日

爲鄧小雲同季扇上畫蘭已詩系之二首

落盡繁英剩一枝春風吹老舊丰姿丹心素質終無改正是芬
芳欲吐時

寫意湘波白石邊紛披花葉自纏綿但教臭味無差別不見何
妨十五季

爲鄒雲泉同年

孔楮

畫蘭丛係一詩雲泉時于役攸水其

地多蘭土人言驚于湘中

湘城曾買幾簷盆一擔肩從沫上邨試望萬山雲霧窟家家香
脚擁柴門

暖爰以分書題桂井尋秋圖額系已二詩次和杜謙

一陽將動歲云通秋色雖尋畫有圖素冊四開塗抹了酬春卷
偕費追呼

飢來文字甯堪煮生性無如吏僻迂悵得墨緣還悵雪雪花惱
遜墨花麤

雨中戲柬石癯大令

庚申

連月春寒客思淒雨絲濃暉柳絲低閉門想見陳無已不踏街

頭一尺泥

出色當行製錦才卻從閒館坐青苔細裁蠶繭成魚網剪取春
禿入卷來

九江出意雲藍紙五十枚分溫八又我學太常編襍俎輪君閒

染赤城霞

唐太常卿段成式送溫飛卿紙有詩序云余在九江
出意造雲藍紙輒分送五十枚西陽樵俎一書段所

纂也

嘉招未信樂昌侯二百朱提詎足優我自黃金能作屋謾教書
信過瀧流

湮薪燒盡突無煙蘆葦兒孫亦可憐恰喜日來春社過晉陽山
下蕨如拳

摘菊葉洗硯

壬戌

片石何緣擅福奇
葉香濃處墨花滋
黃庭未足酬芳潔
合展硯
允寫楚辭

東暖安山長

癸亥

悵雪時生必有詩
杖藜吟賞繞階墀
前宵更值坡生日
會飲誰
成絕妙詞

顧張蕙卿女史墨樣畫冊

老樹槎枒半脫鱗
季季花放一邊青
苔扉晝閉無人到
獨擁紅

霞照水濱

敝居綠漪卿堂
紅媒老而半枯

糾結鯨枝竹外斜
一叢蜨護一叢花
清宵寤入孤山去
白粉牆

新濟州志卷二十一
過處士家

卿堂有
五雙棊

荷池三度歷新秊風雪淒清曲檻邊池上原來饒百卉只無棊

影到窗前

新種三
樹尚稚

砌光十幅絕塵埃妙筆紛披倦眼開安得移山五丁力和根攬
取入池臺

錦段綈衣好護遮光明白地門橫斜生憎林外橫吹笛不解詩

人惜落花

意有
所感

七月十三日渡湘拜

祖母墓焚楮

鄉風報本重中元夜窻頻歸漣上邨卻渡橘洲尋墓道自卑亭

左古桃園

地名桃
子園

甲子重逢世邈緜鴻臚魯殿簪巍然短碑三尺分明記嘉慶龍

飛第八季

慎齋先生主講麓院季八十八矣親來臨視先生爲先祖父族父又蒙師也八季歲在癸亥

水抱潔洞氣穆清黃綢被想土允瑩嬰兒哀送徒勞耳故紙堆

中了此生

莽後祖父曾膠祖妣臥處有黃被蓋覆又膠祖妣哀送嬰孩而不肖生

不語山川孰僞真枝柯枯苑總前因何須騰達誇華廬但要詩書代有人

古墓連岡蔓侶瓜後來臨汝是通家卅年舊事難回首曾接清

談到日斜

袁峴岡先生葬母在後數季與吾祖墓相近峴岡曾主講吾邑

秋老蒹葭白水邊漫勞鞠厯兩同季風流雲葉無尋處一隔重

泉一四川

道光丙午秋謁墓新化鄧小耘山蒙禮拜墓道小阜久下世小耘

曾遊麓在成都

高城遙隔水蒼茫閣簷天心正在望戡定已經季二百礮臺猶
自說吳王左畔平岡一帶間有墳紀土阜此自地脈債興所常
有而居人傳爲吳三桂置礮攻城所佯三桂舊封平
西王其竊踞五六季中人
猶尊稱之故相沿未改也

跋涉川途半日還昵人殘暑廢躋攀唐碑夏碣思尋訪卻恐城
闔早閉關

王式度司馬

元凱枉顧看畫

未至芋縣妨骨格不將青綠損丰碑神丹那於世何須避石谷南
田各有眞

清和蒼逸各宗師文沈丹青一視詩君向此中三洗伐故應老
眼不支離

戲簡暖空山長聞有楊州梅花講席之約

卷頭日日翦秋光正午微暄曉夜涼信是荷池天气好無人來
悟木樨香

丹桂移從王步洲根傷再值葉重抽今季未擬尋香色忽有疏
花綴樹頭

湖湘清迴味無涯山賊徒然愛永嘉何事書家貪野鷺二千里
外看棣花

題馮此山畫菜園瑞石圖

卷石崢嶸三面開何年風雨夜飛來此山卻向他山取不著塵
埃不點苔

樓船經歲住洪都古樹羅墩近有無幾度百花洲上坐不知奇

后在東湖

咸豐乙丙之季軍卒伐螺墩樹爲語使帥禁止其最古者尙留地本稱羅家墩管帶羅忠節詩曾引用王

介甫爭墩事

重陽雨中憶去季之會

乙丑

去歲耆英集此堂池臺姓日有輝光如何竟日瀟瀟雨各在兼
葭水一方

八十陳翁意絕倫劇談經復細論文自歸皖水無消息可是書
刊盡等身

詩古張

度性泉楊農

老佗家王郎天壤擅才華佳晨同省知難忘秋

色荷池水一涯

吳稱三廣文石筍山房圖

白板三間一把茅天然結構醴瀏交季季春社纔過後竹筍青
青出樹梢

就中兩筍四時榮連峭由來石結成頭角崢嶸如子弟米顛一
見卻呼兄

蘭溪溪水半山來兩兩青山相向開可憺唐時裴太尉石霜無
碣著莓苔

山後石霜寺傳
爲裴休經過地

君今振鐸向都梁疊嶂連岡野竹香靜裏讀書閒課士又看玉
筍出班行

追憶君山之遊率紀八絕

遊輶已是卅季愜癡繞重湖十二鬢今歲始償禽向願清和時
節上君山

雋上清剛各絕倫南皮季重久離羣何緣併佗遊山客秦馘新
歸兩撫軍

岳樓宴罷住城陵天气舛暄復晦暝波浪際天微雨灑高談一
夕呂仙亭

梵宇傾攢久不修卻添壯觀九江樓徑須占佗鄉壤地耳讓僊
人住上頭

軒轅張樂舊存臺臺贖荒蕪土艸萊細雨點衣穿密箐又尋緒
樹向林隈

荒冢無封瘞二妃未曾碑碣表春徽從來豔說湘妃竹破四千
牽淚點稀

壁青天去最奇文一紙書傳款接殷叩橘樹三子無應但憑荒
井證前聞

怪無金石照歷屨往代微畱古樹枝底事秦皇渡湖日不教斯
邈寫寫碑

歲暮歸家襍述

老去光陰付校讐古荷池上六春秋從前三度夏季簫笳帖溫

經念旅愁

壬戌癸亥甲子
皆在荷池度歲

記從春暖別青來歸思頻煩臘鼓催一出艸潮門外路好山飛

送片帆開

一路峯巒自送迎
布帆風利葉舟輕
經年才見昭山面上已來時
夜半行

沙淺江空月出纔
萬樓高峙傑靈臺
小東門郭知非遠
已見高峯塔影來

逾宵雲重月痕淒
初試柴車路易迷
夜半歸來門戶閉
勞人就

枕曉雞鳴

長沙人士新製獨輪坐車喜其簡便做爲之然不宜石路自袁家河登陸步行幾二十里

寢徵會計費披尋
縣接紛縣廢詠吟
只謂入林全擺脫
誰知歲

事苦相侵

憂忠文徵皆手綜帳目

歲稽延積歲除竟從逋
負豈慵疏頻年未有臨池暇
何況恩

慰伯仲書

重顯文待詔小楷冊

有序 戊辰

待詔用素箋界烏絲方格書畫錦堂記後署云嘉靖庚子夏四月十日飯罷無師書此歐文曰遣岑宗余得之內兄周氏昂仲往歲壬辰轉贈松心贈君後識云無從辨其真贋蓋曰待詔老境視之侶涉稚氣故致疑焉其時亦實未知此中曲折相皮而已後云當是待詔蚤季之伯仲者是也今觀此書波瀾意度確是衡山非他手所能假託姑不具論獨念郴潭千里而遙乃從三十七年後重覩舊物郴旣頻經兵燹不入劫灰非丹階官瀏陽

亦無繇攜至會垣相示其結緣可不謂淡且長乎感念
沒存回首往蹟重加題識并系小詩

秋風回首茂林園

贈君晉
日寓居

羣紀交情託晤言

衡山
室名

三十七季彈

指頃白頭重覩舊嬋媛

停雲書覩晉唐樊蚤歲清和矩矱存多謝青氈留故物流傳他
日到仍孫

閏十月望後訪郭樗寮兼視季女時于歸纔二十日也往
還誌呂小詩

庚午

出北門行天大風寒郊姓日晚秋同方塘荷葉知應老松色遙
浮屋角東

護書插架戶庭幽風月清娛兩夕畱脫盡朱陳邨裏習要從眞

率見歸修

兩家蠲除世俗鋪張之習務從簡便而禮意秩然

弱息祇今棲鳳閣比鄰何日聽鶯聲

儘堪棲弱息甚欲結比鄰舊說此屋詩也溪山

侶識曾來客欲輓歸鞭緩緩行

下馬陵高石獸排疏林宿艸故人來久從南極通冠冕不見文

章列上臺

道經勞文毅公墓公自粵歸晤談甚踈徵文之舉今求其文不可得

中秋日有送麓山碑稍舊本來觀者漫賦二首

辛未

雲陰掩霽月光幽叢桂含苞香未流坐對開元庚午帖旅情重

憶去季秋

去季庚午

殘碑故在麓山頭當日書從九月秋可笑羣翻終未遂西川一

本最悠悠

往季欲得善本翻刻從蜀中假來一本則亦翻本之摹搨不精者且脫六簡急反歸之

張芝莫孝廉索題紈扇

扇一面爲闕翁雲山畫著色荷署季丁未益二十七季矣芝莫近辱

之屬書

背面

闕翁著色擅風流紈素畱貽廿七秋款署姓霞吾舊識語山堂

裏感前遊

沈栗翁寓曰語山堂姓霞乃其表姪張姓

小除日鬻蘭者來

不覺人間歲小除長季鹿鹿只紬書幽蘭十束都梁產五百里

來娛索居

移根不植遂無媒嬾向西湖乞種栽和靖君章門徑別裔苗單

自未陽來

題史忠正公可法楹聯

卅季前到梅花嶺曾觀祠堂雲壑聯勁筆更看撈鐵骨二分明月照湘天

四鎮蟲沙事草論淵源來潞郭天門如何頑石稱書畫絕少前

朝尺楮存

史公乃益陽郭天門先生所取
士郭公削髮號頑石素工書畫

戲畚吳南老見讓原韻

荷華池上十季居客至繙書不校書不助讎書還索飲子公食
指究何如

詞林舉債非蒙垢歉歲徵租類課虛世事且隨機動止期朱公
叔緩移書

彭雪琴少馬過訪荷池時東下弔湘鄉侯相

一別鄱湖廬阜邇今來顏面各蒼然回頭十七季前事半在重霄半九泉

顯心餘蔣先生家書詩律長卷

底須弔詭炫奇文曲盡人情是本根試向詞壇閱流輩幾家遺澤百季存

碑文述德從洪氏家傳稱先自簡齋管傍戰場尋古蹟藏園遺

址一表回

咸豐乙卯從湘鄉太傅舟師駐章門友人于瓦礫中

傳見隨園文集讀二文可知

蔣氏世澤之長所由來矣

吟庭中莖麻

亭亭矗起出檐牙葉葉尖叉節節加慚媿茂先稱博物老生今始識芭麻

壬申除夕

倚壁青鐙照白頭微寒不入敝羊裘
幸允易盡愁難盡獨擁書堆聽曉籌

顯郭依永世講三體石刻

有序

筠僊中丞同季以令嗣依永世講所作詩賦及篆隸楷各體書見示因爲鐫木鐫石弱冠所詣遂已如此吾鄉自周九煙先生八歲出周郎帖後此其嗣音若亾萱近刻則三十後書不足言早慧矣

少溫筆格變前型自許斯翁至小生未必青
季嵌缺石卽看頑
鄧晚成名

曾傳二十陸機文阿買由來擅八分若使蒼蒼假季力墨池何
止張吾軍

把臂阿瑩冥漠遊豹皮同賸一斑畱聊鐫石墨貽來裔傷苦人
間兩白頭

閏六月十三日丙子生辰

淑人筭誕攸輿日丙歲長羸百日餘五十八季重閏六世風今
筭定何如

江鄉餓日僂生秋耒板聲中課歲收積粟一倉差足食孫謀子

燕在書樓

鄧厚甫廉訪採芝遺照

往歲輕拋豸繡還星沙偶接紫芝顏落星田畔重回首一去商山卽道山

遠紹宗風高密侯十年聲蹟徧洪州重披道貌猶如昨一隔人煙又幾秋

舊藏板橋柱石圖僅見物也有人強貨之去詩呂識之

板橋寫竹法曹全佗石還如寫竹然來伴蕭齋廿餘載一朝別

去小寒天

向觀曹景完碑豎法圓勁謂其侶竹而板橋佗石亦用寫竹法純用正鋒豪無欹側筆所呂絕高

祝聖寺

癸酉

藏經樓外麝香煙紅石榴花出瓦鮮山後古松環數十禪房
夕小游仙

乙亥七月四日 乙亥

三度湘城迹偶淹初秋風物度流季萬樓霞院都陳述讐校新

刊六百編

前歲初度同人邀游萬樓去歲星垣姪邀至霞城書院日來校讐唐詩六百編

袁徵君宅語恩恩來虎齋頭日正中庭畔兩松應好在十季長

已无斯翁

因游霞城并訪袁南皋翁校之時猶接談遠送今三四月間已謝世矣

再顯文待詔楷冊歸陳丹階

煙雲過眼亦前緣畱滯荒齋更七季翰墨情深重惜別古荷池
上早秋天

張笠公來東并郭筠老咨稿熊鶴老送浙游偶訊一帙
滿窗風雨閉門時君子偕來喜可知久坐劇談聊一笑三章合
爲誦毛詩

又戲集成句

一家終日住樓臺時攜兒孫數人在此十叩柴扉九不開花徑不曾緣客
埽最難風雨故人來

文鹿野翁手繪雪夜訪戴圖見贈以寄相念之意系以一
詩奉酬六首有序 丙子

鹿野先生蚤負詩名兼工繪事少日曾同膠序至老未
識荊州距百里而遙慳一面之雅誠所謂會合由前定

矣前承惠寄雪夜訪戴之圖并繫佳什竊羨懸之壁間
生氣蓬勃紙上恐當日剡溪真景未必有此瀟灑也高
情逸致淡用感佩聊題六絕于幅後

幕敷情淡見戴難六花一夕徧層巒怪它八六龐眉變手出奇
觀墨未乾

閱盡冰霜不識寒深山埽軌臥哀安羊裘可當蓑衣若舊向寒
江把釣竿

少日才名追李杜老來餘事擅荆關十三季長彌強健海鶴仙
姿未許攀

老屋松蒼帶竹斑儂家埭上蓼花灣冬來愛誦唐賢句門對寒

流雪滿山

歷歲湘漣數往還古荷池上寄疏頑
愆陽怪底怪三白古雪堆來壁上山

卻對瓊華夏報顏商山在望少躋攀
衛公九十辰將屆奏鶴南飛在款關

綠漪艸堂詩集卷二十終

男式常校梓